

Torreat a abèrrere mina de Silius, investimenti pro 44 milliones 100 assuntziones



Produzione de fluorite in su Gerrei, una chèntina de assuntziones. Torreat a abèrrere sa mina de Silius in su Sud Sardegna. Non totu is minas serrant e devenint museos o percursos turìsticos. In Silius, pro esèmpiu, in su sud Sardigna, s'atividade est pro torrare a cumentzare.

Est su progetu de sa Mineraria Gerrei, sa sotziedade chi at otentu sa cuntzessione. Cun un'investimentu

de in prus de 44 milliones si puntat a una annoadura de is infrastruturas e de is protzessos produtivos.

Tecnologias noas ma fintzas impatu mìnimu subra de s'ambiente. E, mescamente, ocupatzione: su pranu previdet s'assuntzione de unas 100 figuras ispetzializadas, cun cumpetèntzias ispetzificas in sa gestione de impiantios e machinàrios a s'avanguardia e in generale in is protzesso chi pertocant sa faina minerària, dae s'elettrificatzione de is protzessos a sa bogadura cun metodologias innovativas.

Sa previsione de produzione annuale est de 70 milla tonnelladas de fluorite a su 97,5% e 6.800 tonnelladas de galena. S'istima de su fabbisòngiu globale de su materiale chi at a èssere bogadu in Silus est superiore a is 10 milliones de tonnelladas anuales in su 2030 e andat prus addae de is 18 milliones de tonnelladas anuales in su 2050.

Totu custu, ispiegant is capos de sa sotziedade, "a fronte de una produzione chi in s'ùrtimos deghe annos s'est semper atestada intre is 6 e is 7 milliones de tonnelladas. Proite a prodùere fluorite est devenende semper prus importante. Est considerata difatis sa matèria crae pro unos cantos setores industriales fundamentales pro sa transizione ecològica". Pro esèmpiu is setores de is baterias, de is supercondutores e de sa produzione de pannellos fotovoltaicos, ma fintzas pro àteros setores de arta tecnologia comente su de is fluoropolimeros. In prus, sa fluorite est una risorsa pro s'impreu suo in su mundu de sa produzione de s'atzàrgiu e de s'allumìniu e pro s'impreu suo in s'indùstria farmatzèutica, òtica, de is tzeràmicas, de is materiales antintzèndiu, de is refrigerantes.

https://www.ansa.it/sardegna/notizie/2023/10/12/riapre-miniera-di-siliusinvestimenti-per-44mln-e-100-assunzioni_2f09a718-1f9f-4fae-b1b7-4817f2c0c2bc.html